

# সর্বজনকথা

রাজনীতি, অর্থনীতি ও সমাজ বিষয়ক সংকলন-২০  
৫ম বর্ষ: ৪র্থ সংখ্যা, আগস্ট- অক্টোবর ২০১৯

সম্পাদক

আনু মুহাম্মদ

প্রকাশক

তানজীমউদ্দিন খান

নির্বাহী সম্পাদক

কল্লোল মোস্তফা

সম্পাদনা পরিষদ

মোশাহিদা সুলতানা

মাহা মির্জা

সামিনা লুৎফা নিত্রা

বীথি ঘোষ

আতিয়া ফেরদৌসী চৈতী

ব্যবস্থাপনা পরিষদ

মিজানুর রহমান

মাহতাব উদ্দীন আহমেদ

শোয়েব করিম

নাম লিপি

সব্যসাচী হাজারা

প্রুফ

জাহাঙ্গীর আলম

অলংকরণ

মোঃ কৌশিক আহমেদ

পরিবেশক

বাতিঘর



সম্পাদকীয় যোগাযোগ

কক্ষ নং ২০৫২, কলাভবন, ঢাকা বিশ্ববিদ্যালয়

মোবাইল: ০১৮৮২৪৩৪৬৬৮

ইমেইল: sarbojonkotha@gmail.com

ওয়েবসাইট: <http://sarbojonkotha.wordpress.com>

প্রকাশক কর্তৃক চিত্রকল্প, আলিজা টাওয়ার, ১১০, ফকিরেরপুল, মতিঝিল, ঢাকা-১০০০ থেকে মুদ্রিত ও প্রকাশিত।

দাম: ৬০ টাকা।

ISSN 2617-2771

## সূচিপত্র

সম্পাদকীয় ভূমিকা	০৩	এইচবিওর চেরনোবিল মিনিসিরিজ এবং পারমাণবিক নিরাপত্তা প্রসঙ্গ- কল্লোল মোস্তফা	৪১
বড় অর্থনীতির হারিয়ে যাওয়া মানুষেরা- মাহা মিজা	০৪	আর্থ-সামাজিক বিন্যাস ও উন্নয়ন উদ্বাস্ত: ফুলবাড়ী বড়পুকুরিয়া অঞ্চলের সমীক্ষা	৪৭
'উন্নয়নের মহাসড়কে বাংলাদেশ': দাবি ও তথ্য উপাত্ত- আনিস রায়হান	০৮	এখন আমি মৃত- মওদুদ রহমান	৫৫
খালিশপুরের সাম্প্রতিক পাটকল শ্রমিক আন্দোলনের অভিজ্ঞতা- রুহুল আমিন	১০	চলচ্চিত্র পর্যালোচনা : Copwatch/পুলিশদেখা- মুহম্মদ আনোয়ার হোসেন	৫৯
ভারতের নির্বাচন নিয়ে অরুন্ধতী রায়ের সঙ্গে সংলাপ	১৩	সুন্দরবন আন্দোলনের গান- ৪ : বীথি ঘোষ	৬৩
আসামের অর্থনীতি, দারিদ্র্য এবং 'বিদেশি খেদাও' আন্দোলনের রাজনীতি- আলতাফ পারভেজ	১৬	কয়েক মাসের খবর	৬৯
পুঁজির বিশ্বযাত্রা- আনু মুহাম্মদ	২৩		
'কেমন বিশ্ববিদ্যালয় চাই: উচ্চশিক্ষা, নীতিমালা, কাঠামো'	৩৩		
'স্বায়ত্তশাসিত' থেকে 'সরকারি': বাংলাদেশে বিশ্ববিদ্যালয় আইনগুলোর পশ্চাৎমুখী বিবর্তন- অভিন্য কিবরিয়া ইসলাম	৩৫		
ফুকুশিমা বিপর্যয় কিংবা রূপপুরের বিপদ- শোয়েব করিম	৩৮		

## সম্পাদকীয় ভূমিকা

বাংলাদেশে এবং বিশ্বজুড়ে পুঁজিবাদের জয়যাত্রা নিরঙ্কুশ হবার কালে অসহিষ্ণুতা, সহিংসতার বিষ ছড়াচ্ছে নানা চেহারা। সবাই এখন আরও বেশি ধর্মান্বেষী, আরও বেশি জাতীয়তাবাদী, আরও বেশি বর্ণবাদী, আঞ্চলিকতাবাদী, আরও বেশি অসহিষ্ণু। বিভিন্ন চেহারা সন্ত্রাসী বর্ণবাদীরা এখন আন্তর্জাতিক ভাবে সংঘবদ্ধ। রাষ্ট্র/গোয়েন্দা সংস্থার আশির্বাদধন্য যারা তাদের আরও বেশি জয়জয়কার। বর্তমান বিশ্ব তাই জাতিগত, ধর্মীয় ও বর্ণবাদী সংঘাত, ঘৃণা ও বিদ্বেষে ক্রমেই আরও বেশি জর্জরিত। এসব ঘিরে যুদ্ধ, সন্ত্রাস আর চরমপন্থার বিস্তার হচ্ছে। এই সংখ্যায় প্রকাশিত ‘পুঁজির বিশ্বযাত্রা’ প্রবন্ধে এই পরিস্থিতির ভিত্তি অনুসন্ধানে পুঁজিবাদের সূচনাকাল, পুঁজির আন্তর্জাতিকীকরণ ও সাম্রাজ্যবাদের উদ্ভব, প্রযুক্তি বিপ্লব নিয়ে বিভিন্ন তাত্ত্বিক সূত্রায়ন এবং এই বিশ্বব্যবস্থার গতিমুখ পর্যালোচনা করা হয়েছে।

ভারতের সদ্য সমাপ্ত নির্বাচনে নরেন্দ্র মোদির নেতৃত্বাধীন বিজেপি বিশাল বিজয় অর্জন করেছে। হিন্দুত্ববাদ আর পুঁজির আগ্রাসী বা ‘নব্যউদারীকরণ’ নীতির সফল প্যাকেজ তৈরি করেছেন নরেন্দ্র মোদী ও তার সহযোগীরা। লেখক ও সমাজতাত্ত্বিক অরুণাকান্তী রায়ের বক্তব্যের মাধ্যমে ভারতের এই পরিস্থিতির একটি পর্যালোচনা প্রকাশ করা হল। সেইসাথে আসামের অর্থনীতি, দারিদ্র্য এবং ‘বিদেশি খেদাও’ আন্দোলনের রাজনীতি নিয়ে একটি প্রবন্ধ প্রকাশ করা হল। বিশ্লেষণ করা হয়েছে কীভাবে সাম্প্রদায়িক উত্তেজনা গ্রাস করেছে আসামের রাজনীতিকে, যার হুমকির মুখে সেখানকার মানুষেরা ছাড়াও আছে বাংলাদেশও।

গত কয়েক বছর ধরে বাংলাদেশে উন্নয়নের ঢোল এতো জোরে বাজানো হচ্ছে যে তাতে অনেক সত্য চাপা পড়ছে, চাপা পড়ছে এই ধাঁচের উন্নয়নে মানুষসহ প্রাণ প্রকৃতি কী বিপর্যয়ে নিষ্কিণ্ড হচ্ছে সেসব বিষয়। এই সংখ্যায় পরপর দুটো লেখায় তথ্য উপাত্ত সহ সরকারের প্রচারণার ‘উন্নয়নের’ অন্য জরুরী দিকগুলো সামনে আনা হয়েছে। বাড়ন্ত অর্থনীতির হারিয়ে যাওয়া মানুষদের সন্ধান করা হয়েছে।

গত ১১-১২ এপ্রিল, ২০১৯ তারিখে জাহাঙ্গীরনগর বিশ্ববিদ্যালয়ে ‘কেমন বিশ্ববিদ্যালয় চাই: উচ্চশিক্ষা, নীতিমালা, কাঠামো’ শীর্ষক দুইদিনব্যাপী এক কনভেনশন অনুষ্ঠিত হয়। বিশ্ববিদ্যালয় শিক্ষক নেটওয়ার্ক আয়োজিত ও বিভিন্ন বিশ্ববিদ্যালয়ের শিক্ষক প্রতিনিধিদের অংশগ্রহণে অনুষ্ঠিত এই কনভেনশনে দেশের উচ্চশিক্ষার নানান সঙ্কট ও সীমাবদ্ধতা বিশ্লেষণ করা হয়। এতে কিছু সমাধানও প্রস্তাব করা হয়। এই কনভেনশনের বক্তব্যের সারসংক্ষেপ এই সংখ্যায় প্রকাশ করা হল। এছাড়া “স্বায়ত্তশাসিত” থেকে ‘সরকারি’: বাংলাদেশে বিশ্ববিদ্যালয় আইনগুলোর পশ্চাত্মুখী বিবর্তন’ শীর্ষক লেখায় বিশ্ববিদ্যালয়ে সরকারি নিয়ন্ত্রণ বৃদ্ধির আইনী কাঠামো বিশ্লেষণ করা হয়েছে।

১৯৮৬ সালে তৎকালীন সোভিয়েত ইউনিয়নের অন্তর্গত ইউক্রেনের চেরনোবিলে পারমাণবিক দুর্ঘটনার পর ৩৩ বছর পার হয়েছে, ২০১১-র ভূমিকম্প ও সুনামি এবং ফুকুশিমা পারমাণবিক বিপর্যয়ের পর পার হয়েছে ৮ বছর। এসব অঞ্চলে বিপর্যয় আরও কতবছর চলবে তা কেউ নিশ্চিত বলতে পারে না। এই সংখ্যায় একটি লেখায় সম্প্রতি চেরনোবিলের নিয়ে নির্মিত পাঁচ পর্বের একটি ধারাবাহিককে কেন্দ্র করে পারমাণবিক নিরাপত্তার মূল সংকট নিয়ে আলোচনা করা হয়েছে। দ্বিতীয় লেখায় ফুকুশিমা বিপর্যয় পর্যালোচনা করে বাংলাদেশের জন্য বিপদের সম্ভাবনার প্রতি দৃষ্টি আকর্ষণ করা হয়েছে।

এবছর ২৬ আগস্ট ফুলবাড়ী গণঅভ্যুত্থানের ১৩ বছর পূর্তি হচ্ছে। ২০০৬ সালে সংঘটিত এই গণঅভ্যুত্থানের আগে আগে ফুলবাড়ী বড়পুকুরিয়া মধ্যপাড়াসহ এই অঞ্চলে বিভিন্ন উন্নয়ন প্রকল্পের নানা আর্থিক ও সামাজিক প্রভাব নিয়ে ঢাকা বিশ্ববিদ্যালয়ের শিক্ষক ও শিক্ষার্থীদের একটি দল গবেষণা পরিচালনা করেছিলো। সেই গবেষণার একটি অধ্যায় সর্বজনকথার জন্য অনুবাদ করে দুই পর্বে প্রকাশিত হচ্ছে ‘আর্থ-সামাজিক বিন্যাস ও উন্নয়ন উদ্বাস্ত: ফুলবাড়ী বড়পুকুরিয়া অঞ্চলের সমীক্ষা’ শিরোনামে।

বাংলাদেশের পাটশিল্প বহুবছর থেকেই বৈরীতার শিকার। বহু অনিয়ম, দুর্নীতি টিকিয়ে রেখে একের পর এক পাটকল বন্ধ করা হয়েছে। শ্রমিকদের ওপর নেমে এসেছে ভয়াবহ অনিশ্চয়তা। কিছু পাটকলে একসময়ের স্থায়ী শ্রমিকরাই এখন অস্থায়ী শ্রমিক হিসেবে কাজ করছেন। সেখানেও মজুরির জন্য তাদের বারবার পথে নামতে হয়। এরই সর্বশেষ চিত্র, ‘খালিশপুরের সাম্প্রতিক পাটকল শ্রমিক আন্দোলনের অভিজ্ঞতা’ লেখায় তুলে আনা হয়েছে।

‘এখন আমি মৃত’ সত্য ঘটনার ওপর ভিত্তি করেই লেখা। এই লেখায় দেশের অসংখ্য মানুষ যাদের স্বজনেরা অকালে সড়ক দুর্ঘটনায় নিহত হয়েছেন তাদের হাহাকার ধরা পড়বে। এই পরিস্থিতি পরিবর্তনের তাগিদে স্কুল-কলেজ পড়ুয়াদের বিদ্রোহে গতবছর পুরো দেশ জেগে উঠেছিল, কিন্তু তা আবার থেমে যাওয়ায় কিছুই পরিবর্তন হয়নি, মৃতের মিছিলও থামেনি। এরকম এক কিংবা লক্ষ মানুষের কথাই এখানে বিবৃত করা হয়েছে।

ধারাবাহিক ‘সুন্দরবন আন্দোলনের গান’ এবং নিয়মিত ‘কয়েক মাসের খবর’ প্রকাশিত হল। যুক্তরাষ্ট্রে পুলিশের ভূমিকার ওপর নজরদারি করে বানানো একটি চলচ্চিত্র নিয়ে পর্যালোচনাও থাকছে এই সংখ্যায়।

অনিবার্য কারণে ধারাবাহিক লেখা ‘চীন: পরাশক্তির বিবর্তন’ এবং ‘সিপি গ্যাং ও বেশ্যা ব্যানার’ এই সংখ্যায় প্রকাশ করা গেল না। আগামী সংখ্যা থেকে এগুলো আবারও প্রকাশিত হবে।

আনু মুহাম্মদ

২৫ জুলাই ২০১৯